

4. Jawapan anda hendaklah berdasarkan **satu** daripada novel yang telah anda kaji di Tingkatan 1.

- (i) Pelari Muda, karya Ghazali Ngah Azia
- (ii) Destinasi Impian, karya Mohd Ismail Sarbini
- (iii) Formula Termodinamik, karya Obasiah Haji Usman
- (iv) Sejambak Bakti, karya Rejab F.I

Watak utama dalam sesebuah novel digambarkan mempunyai keistimewaan yang tertentu.

Berdasarkan sebuah novel yang anda kaji, jelaskan **dua** perwatakan watak utama.

Novel	Watak utama
Pelari Muda	Kamarul
Destinasi Impian	Firdaus
Formula Termodinamik	Amir
Sejambak Bakti	Razali

This image shows a single sheet of white paper with horizontal blue or grey ruling lines. The lines are evenly spaced and run across the width of the page. There are approximately 20 lines visible. The paper appears to be from a notebook or a standard sheet of stationery. There is no handwriting or other markings on the page.

110 markah

Bahagian C**Pemindahan Maklumat**

15

Jawab sama ada **Soalan 1** atau **Soalan 2**.

Soalan 1 Ulasan

Lihat gambar di bawah ini dengan teliti. Berdasarkan maklumat yang terdapat dalam gambar tersebut, tulis ulasan yang panjangnya antara 80 hingga 100 patah perkataan.

AKTIVITI TAHUNAN BADAN BERUNIFORM

Perkhemahan



Sukan dan Permainan



Kawad Kaki

- Menanam sikap kerjasama
- Mempelajari kemahiran asas
- Membentuk jati diri
- Berdisiplin
- Menyihatkan badan

Soalan 2 Ringkasan

Baca petikan di bawah ini dengan teliti. Berdasarkan petikan tersebut, tulis sebuah ringkasan tentang **kesan kemasukan pendatang asing tanpa izin**. Panjangnya ringkasan anda hendaklah **tidak melebihi 100 patah perkataan**. Anda digalakkan supaya menggunakan ayat anda sendiri tanpa mengubah maksud asal petikan.

Ekonomi Malaysia berkembang pesat kerana projek pembangunan raksasa berjalan dengan lancar. Sebagai hasilnya, wujudlah peluang pekerjaan yang meluas di negara ini. Namun begitu, timbul masalah kekurangan tenaga kerja ekoran peluang pekerjaan yang banyak. Kini, Malaysia menjadi tumpuan pendatang tanpa izin yang ingin mencari rezeki lumayan. Namun begitu, kemasukan pendatang tanpa izin yang banyak telah mengundang pelbagai masalah.

Kerajaan telah menghadapi kesulitan untuk membanteras kemasukan pendatang tanpa izin. Golongan pendatang akan ditahan dan ditempatkan di kem tahanan sebelum dihantar pulang ke negara asal. Hal ini menyebabkan banyak tenaga, wang, dan masa dibazirkan dalam usaha untuk mencegah kemasukan dan menghantar pulang pendatang tanpa izin.

Selain itu, terdapat pendatang tanpa izin yang merupakan penjenayah yang dikehendaki oleh pihak berkuasa di negara asal mereka. Hal ini menyebabkan keselamatan sosial penduduk tempatan terancam. Pendatang tanpa izin terus melakukan jenayah di negara ini. Keadaan ini menyebabkan penduduk tempatan hidup dalam ketakutan.

Kedatangan pendatang tanpa izin juga mendatangkan masalah perumahan. Mereka akan mendirikan kawasan perumahan secara haram, misalnya setinggan. Kawasan setinggan ini tidak teratur dan kekurangan kemudahan asas seperti sistem pembuangan sampah dan sistem kumbahan. Hal ini menyebabkan berlakunya pencemaran alam sekitar.

Majikan lebih gemar mengupah pendatang tanpa izin kerana bayaran gaji mereka jauh lebih murah. Kesannya, peluang pekerjaan rakyat tempatan terjejas. Di saat nilai ringgit semakin jatuh, peluang pekerjaan rakyat menjadi semakin sempit. Rakyat terpaksa menghadapi tekanan kos sara hidup yang tinggi.

Kita memerlukan tenaga asing dalam pembangunan negara. Namun begitu, kehadiran mereka terutamanya golongan pendatang tanpa izin juga banyak menimbulkan masalah. Kerajaan perlu menangani masalah ini dengan serius supaya rakyat Malaysia tidak menjadi minoriti di tanah air sendiri.

(Dipetik dan diubah suai daripada 'Kesan Kemasukan Pendatang Asing Tanpa Izin',
Dewan Siswa, Februari 2013)

